

前漢書卷九十五考證

西南夷傳自駝以東北君長以十數白馬最大○

臣召

南按白馬氏居仇池山其山四面斗絕上有平田百

頃詳後書南蠻傳

道西北牂柯江江廣數里出番禺城下○

臣召南

按牂

柯江卽鬱水之上流豚水在後書謂之遯水者也地

理志牂柯郡夜郎縣豚水東至廣鬱入鬱鬱林郡廣

鬱縣鬱水首受夜郎豚水東至四會入海是也今日

盤江自貴州東南流逕廣西又東逕廣東廣州入海

夜郎侯以竹爲姓詳見後書